

PNRF UMS anjur Bengkel Semakan HIRARC, langkah awal kawalan risiko

UB 13.04.2023 P.08

KOTA KINABALU: Pusat Pengurusan NR dan Fasilitas Perumahan Pelajar (PNRF) Universiti Malaysia Sabah (UMS) telah mengadakan Bengkel Semakan HIRARC Kluster Kolej Kediaman sebagai langkah awal dalam memastikan sebarang risiko keselamatan di kolej kediaman UMS dapat dikenal pasti.

Pengarah PNRF, Hasmi Hashim, berkata semakan terhadap HIRARC (Hazard Identification, Risk Assessment and Risk Control) adalah penting bagi mengenal pasti bahaya dan cadangan langkah kawalan bahaya tersebut.

“Selain itu, bengkel ini juga diadakan bagi mengenal pasti, mengurus dan mengurangkan sebarang



BENGGKEL: Hasmi (empat kiri) merakamkan gambar bersama para peserta bengkel.

risiko yang terdedah di kolej kediaman, di samping memberi kefahaman dan * latihan kepada kakitangan

dalam menyediakan dokumen HIRARC.

“Usaha ini sekali gus dapat mengurangkan risiko

dalam kalangan pelajar terutamanya yang tinggal di kolej kediaman dan seterusnya meningkatkan

kualiti terhadap aspek keselamatan dan kesihatan pekerjaan di kediaman pelajar,” katanya.

Hasmi turut menyampaikan penghargaan kepada Pusat Keselamatan dan Kesihatan Pekerjaan (PKKP) yang diketuai oleh pengarahnya, Prof. Dr. Khamisah Awang Lukman yang hadir untuk memberi bimbingan kepada kakitangan PNRF khususnya dalam penyediaan dokumen HIRARC.

Bengkel yang berlangsung selama dua hari di Bilik Seminar, Pusat Islam itu dihadiri lebih 15 orang warga PNRF yang terdiri daripada Pengetua, Timbalan Pengetua dan kakitangan pengurusan kolej kediaman.